

FILM SOZIALAK 2014

La inon ageri ez den zinema

FILM SOZIALAK ekimenaren 6. edizioa egingo da aurten, Bilboko Alondegiko Golem aretoan. Ohiko tokitan erakusten ez diren 78 pelikula lehiatuko dira zinemaldi berezi honetan, munduko 44 herrialdeetatik etorritakoak. Dokumentala nagusi bada ere, fikzioa eta animaziozko pelikulak ere erakutsiko dira, luzeak zein laburrak.

Ekimen berezia da inondik ere, filmak sozialak direlako batetik, baina gainera, lehiatzen direnen artean %52 emakumeek sortu dituztelako. Aparteko begirada dakar, beraz.

Zinemaldiko zuzendari Carlos Vazquez barakaldoraren aburuz, “Gizarte eraldaketarako duen indarragatik interesatzen zaigu zinema. Izaera soziala duen zinemagintza horri esker, gizarteak gauza asko ikas ditzake, eraldaketarako eta hausnarketarako mesedegarri. Hirigunean egotea nahi dugu, ikus dadila eta jendea ohartu dadila. Honek ere baditu ohiko zinemak dituen izarrak, erabat bereziak gainera”.

Duela sei urte, zinemaldiak proiektio areto bakarria baldin bazuen ere, aurten 17 aretotan erakutsiko dira film hauek, eta guztira 259 emanaldi eskainiko dira. Jaialdia urriaren 17tik 23ra egingo da, Golem aretoetan, baina urrian barrena, Bilboaldeko DBHko zortzi ikastetxetan erakutsiko dira filmak. “16 urtetik gorako ikasleek osatzen duten publikoa biziki interesatzen zaigu. Egia esan, egun zinemaldiko publiko nagusia da”. Elorrio, Mungia, Portugalete, Iurreta, Erandio, Barakaldo, Aizerrota

eta Romoko ikastetxetan ere erakutsiko dira film sozial hauek.

Euskaraz egindako sei film erakutsiko dira. Eta horien artean onenari saria emango dio Bilboko Kafe Antzokiak. Eduki soziala izan eta euskaraz eginak diren filmak gero eta gehiago dira Carlos Vazquezek dioenez. EHUko ikasle eta egile gazteei zuzendutako Zine Express atalean lehiatzen diren filmak “euskaraz dira nagusiki”. Bestelako sariarik ere bada: Garapen Iraunkorren saria, Giza Eskubideen saria, Emakumeak egindako film onenari

saria, Genero Berdintasunaren saria, Kulturartekotasunaren saria eta Ikasle eta Ikusleen sariak.

Zinemaldiak dakartzan filmen gaiak ere anitzak dira, betiere salaketa eta eduki soziala nagusi. Besteak beste: jarrera homofoboak, lesfobikoak eta transfobikoak jasaten dituzten pertsonen buruzkoa; giza eskubideen urraketa Mendebaldeko Saharan; etxe-kanporatzeen inguruko poema bisuala; Ugandako kazetari baten historia; Afrikako etorkinaren erasoak Melilla inguruan; Turkiako kurduen erresistentzia ekintzak; Brasileko zenbait zonaldeetan bi megaenpresen erai-kuntzaren kontra daramaten borroka...

Vazquezen ustez, “film hauek ikusgai izatea da denetan garrantzitsuenak”. Horixe baita komertziala ez den zinemak duen arazorik larriena, ez dela esku-argarria: “Ez da agendetan ageri, ez du ordutegi onik, baztertu egiten da... 6 urte hauetan horixe izan da nabarmenena, zinemagin-

tza honekiko interesa duen publikoa ugaria dela”. Aurreko edizioan 6.600 lagun joan ziren zine aretoetara eta beste 5.000 lagunek internetetik jarraitu zuten jaialdia. Aurten, kopuru hori berdintzea espero dute.

“Guretzat, karteleran ohiko zinemagintzarekin lehiatzen egotea, edo jendeak zine soziala ikusteko sarre-
ra erostea, berez, lorpen handia da”, nabarmendu du Vazquezek. ■

Myriam
Garzia



CINE INVISIBLE
FESTIVAL INTERNACIONAL
FILM SOZIALAK 2014 BILBAO

DE SERVICIO DE GUARDERIA HURUPAZANDORIA

► **FNAC BILBAO**
Irailak 30 septiembre 19:00 h.
Urriak 7, 14 octubre 19:00 h.

► **HALADZIPO BARAKALDO**
Urriak 2 octubre 19:00 h.

► **IEFPS Tartanga GLHBI Erandio**
IES Mungia BHI
IES Ballanti BHI Portugalete
IEFPS Iurreta GLHBI
IES Ibarrekolanda BHI Bilbao
IEFPS Nicolás Larburu GLHBI Barakaldo
IES Artaza Romo BHI Leioa
IES Aizerrota BHI Getxo
Urriak 12, 14, 15, 16, 17 octubre

► **Alhóndiga Bilbao**
Inaugurazioa
Urriak 17 octubre 19:30 h.
Bukarea eta sariak
Clausura y premios
Urriak 23 octubre 19:30 h.
Ondi agerarekin
con invitación

► **GOLEM ALHÓNDIGA ZINEMA BILBAO**
Urriak 18, 19, 20, 21, 22 octubre
17:00 / 19:30 / 22:15 h. Sarrera 3€ Entrada

► **OLALDE ARETOA MUNGIA**
Urriak 18, 19, 20 octubre

► **ARRIOLA ANTZOKIA ELORRIO**
Urriak 4, 5, 6 octubre

► **AULAS DE LA EXPERIENCIA UPV/EHU Bilbao**
Data zehaztu gabe / Fecha por concretar

► **KAFE ANTZOKIA BILBAO**

PALMARES: Urriaren 27tik 31ra / 27 a 31 de octubre 19:00 h. Leku mugatuak. Sarrera doan/Alto limitado. Entrada libre!
Conservatorio de Música Juan Crisóstomo de Arriaga Musika Kontserbatorioa (Metro Sarririk)
info@kcd-ongd.org www.kcd-ongd.org Tel. +34 94 602 40 40

KCD
www.kcd-ongd.org

Film sozialak 2014

Noiz: urriaren 17tik 23ra.

Non: Golem zinema aretoak, Bilbo.